

QUÆSTIO MEDICA,
QUODLIBETARIIS DISPUTATIONIBUS
MANE DISCUTIENDA
IN SCHOLIS MEDICORUM.

Die Martis ^{I. a} ~~secunda~~ Martii 1718.

M. MICHAELE PEAGET, Doctore Medico,
Præfide.

An Arthritici, morbis acutis minus obnoxii?

I.

ARTHRITIS Articulorum dolor cum tumore & inflammatione, modò in hunc, modò in illum articulum erroneus. Pro variis quas occupat Articulationum sedibus varia sortitur nomina. Hâc non omnis ætas tentatur; pueros non corripit ante decimum quartum ætatis annum; neque mulieres nisi ætatis inclinatione menstrua defecerint. Adoritur potissimum anno quinto suprâ trigesimum; aliquandò citius, aliquandò tardius pro cuiusque naturâ & vivendi normâ. Malum est aliàs genitivum à parentibus in sobolem transmissum, aliàs ascitium à rerum non naturalium; duarum præcipuè abusu contractum. Differt à rheumatismo, doloribus ossæariis febres comitantibus vel subsequenteribus (licet par sit doloris molestia) sede; imperu & instabilitate. Statis redit temporibus vere potissimum & autumno, incertis nonnumquam. Sæpissimè hic morbus intrâ dolorem est, & idè securus; quod dolorum.

tormentis licet annumerandorum tolerantiam afferre debet. Confecta silet Arthritis aut supprimitur, suspecta debet esse hæc indolentia, quæ sæpius inopinantem opprimit.

II.

ARTHRITIDIS cæcam aiunt esse causam; hæc tamen designari potest: pituitosus humor à capite non infrequenter depluens, aut serosus à sanguine exundans in articulos. Articuli nomine non solum caput ossis quod inseritur & alterius cotyle hic intelligitur; sed & ligamenta, tendines, membranae, & quidquid ad articuli structuram & firmitatem pertinet. Ligamenta duorum sunt generum, quæ à media ossis parte ducuntur, ea sensu carent; quæ à periostio, exquisitè sentiunt. Mirum has partes Articulationes amplexantes duras, densas, compactas tam subito dolere, cum pituitam aut serum dolorum causam non videantur posse admittere aut saltem nisi ægrè, ob systolem suam idest compactionem; imbecillitas articuli solvit nodum atque ingressus difficultatem, per hanc articulus aptus sit ad recipiendum; imbecillitas non nudum nomen, imbecillitatis nomine intelligenda chordarum, nervorum quædam quasi dissectio, effæminatio, & diastole seu relaxatio systolem dissolvens. Præterea humor concitatus sibi fecat vias eò facilius, quò plus ab ichore tenui turget, qui animat, impellit, ciet & movet humorem pituitosum: Favorabili utique orgasmo, acutorum vindice & assertore.

III.

ARTHRITIS, abscessus est humoris ab interno corpore in articulos; hæc aposthasi perpurgantur interiora, facta tecta redduntur, minùsque patent insultibus acutorum. Acuti brevi finiunt aut finiuntur. Finiuntur per crises, quas felices promovet Mechanismus arte dexterè adjutus. Crisium duæ sunt primæ species: alia per effluxiones, alia per abscessus; illa securior, undè videre est judicari perfectè acutos hamorragiis, sudoribus, vomitibus, alvi fluoribus, urinæ profluviiis, anacatharsi id est educatione sputorum. Crisi per abscessus terminantur quoque, sed non tantà cum securitate; aliquandò namque semi-flui sunt dimidiati; nec pares morbo judicando (*judica-*

³
toria non judicantia) aut delitescunt. Boni tamen sunt, qui infrà morbum fiunt, velut varices, lumborum gravitates ex superioribus; optimi verò inferiores & longè infrà ventrem, & remotissimi à morbo. Hic est vivus character abscessus Arthritici, quo Arthriticus communitur adversus acutos: nec-non acuto correptus eo liberatur renovatâ Arthritide.

I V.

VITAM, sanitatem dolori debere non levi miserum videtur, miserabilius est præpropere inopinoque fato corripitur, quod contingit Arthritidi assueto, si hunc illa diù deseruerit. In tempestivè sedata dysenteria abscessum in costis aut visceribus facit, ei cui coxa dolebat, & deindè dolor sedatus, colico cruciatus est; alteri ulcus erat magnum in tibiâ, hoc cum purum factum esset, lateris dolor & pectoris sinistri è directo & febris, à febre extinctus est, à diuturnis Hemorrhoidibus curato aqua inter cutem & tabes supervenit. Alcippus sanguinem ex ano fundere solitus, curatus, insaniam correptus est: similiter abest Arthritis, Apoplexia, Convulsiones, Viscerum inflammationes sequuntur absentem. Contrà supervenientibus Hemorrhoidibus, insaniam solutio, renovatâ Dysenteriam cessant mala ab hujus suppressione nata; coxendicis dolore colicus sedatur, ulcere per neoterismum reserato liberatio eorum quæ occlusum pepererat; quin & morbus magnus adauctione discutitur: ecstasi, furoris incremento mania solvitur. Non secus furibunda redux Arthritis acutis est auxilio.

V.

ARTHRITIS, ægrotatio quanquam fructuosa, suâ nihilominus opus habet Medicinâ. Famofus ille Abscessus more aliorum dimidiatus esse potest, aut per metaptosim delitescere, sed ut id non contingat, requiritur Medici providentia, qui iusto artis officio Arthriticos antè caveat, circa tempora quibus dolores podagrici maximè moventur, ne exuberans materia corpori super sit: Epaphæresi, alvi ductione, vomitu, catharsi, circumcisione vini, lactis potu. In doloris impetu fas est lenire, eâ adhibita cautione, ut non sive admotis, sive assumptis, arthritis supprimatur, aut opprimatur. In

id innocentia sunt Cataplasmata non cum lacte, sed cum hydromelite, farinæ cum decocto Omasorum, Cassia, Fetus ex Chamæpyti, sedato fervore utiles sunt unctiones ex oleo de Catellis, de Torpedine, Balsamo peruviano, vino intus hoste, foris amico. Blandienti hoc profectu suam decurrit periodum Arthritis, nec impeditur quominus redeat ex intervallis salutari omine: sicque Arthriticorum vita ad ultimam usque senectutem prorogatur.

Ergo Arthritici, morbis acutis minus obnoxii.

Domini Doctores disputaturi.

*M. Michael - Procope
Couteaux.*

*M. Joannes - Claudius -
Adrianus Helvetius,
Medicus Regis Ordina-
rius, & Regiæ Scien-
tiarum Academiæ.*

M. Salvator Cluscard.

M. Claudius du Cerf.

*M. Joannes - Baptista
Enguehard, Schola-
rum Professor.*

M. Claudius Vergne.

*M. Franciscus Vernage, an-
tiquus Facultatis Decanus.*

*M. Joannes-Baptista Dodard,
Seren. Delphini olim Me-
dicus Primarius, Serenissi-
ma Principissa Dotaria
de Conti Medicus Prima-
rius.*

*M. Philippus Douté, anti-
quus Facultatis Decanus.*

Proponebat Parisiis MICHAEL-LUDOVICUS VERNAGE,
Baccalaureus Medicus Parisinus. A. R. S. H. 1718.
à sextâ ad meridiem.

Typis J. QUILLAV, Universitatis & Facultatis Medicinæ
Typographi.